

爾雅郭註補正

漢志爾雅三卷二十篇今篇惟十九志不著撰人
名氏郭璞言興于中古隆于漢代鄭樵言出自箋
註未行之先爾雅明則百家箋註可廢魏張楫乃
謂周公作釋詁揚雄以為皆孔門游夏之傳所記
以解釋六經然則此書為考据之鴻寶久矣臣竭
思搜紹積有寒暑欣逢

聖朝

右文開設四庫琳瑯炳蔚有如列星爰於校勘之
餘卒業是編按漢劉歆樊光李巡孫炎咸有註今
則晉郭璞註存所謂究心十八載者也宋邢昺與
杜鎬八人奉詔疏之為十卷又鄭樵註亦存顧漢
註佚矣猶散見於陸氏釋文邢疏尚書毛詩三禮

春秋左氏公羊義疏太平御覽龍龕手鏡文選等書又有陸氏音義陸佃埤雅羅願爾雅翼并資覈証用是錄郭註之全辨其亥豕綴陸邪之說觀厥引伸復摭羣編兼增蠭見為爾雅郭註補正三卷

卷分為三共九卷敬謹繕寫冒瀆
衷衷鑒定仰邀

睿誨不勝悚慄之至謹序

乾隆五十二年春二月二十五日欽賜舉人充三分四庫書校對臣戴鑒恭擬進

呈本

原序

夫爾雅者所以通詁訓之指歸叙詩人之興詠總絕代之離詞辯同實而殊號者也誠九流之津涉六藝之鈐鍵學覽者之潭奧摛翰者之華苑也若乃可以博物不惑多識於鳥獸草木之名者莫近於爾雅爾雅者蓋興於中古隆於漢氏豹鼠旣辨其業亦顯英儒瞻聞之士洪筆麗藻之容靡不欽玩耽味爲之義訓璞不揆檮昧少而習焉沈研鑽極二九載矣雖註者十餘家然猶未詳備竝多紛謬有所漏畧是以復綴集異聞會粹舊說考萬國之語采謠俗之志錯綜樊孫博闡羣言剏其瑕礲舉其肅稂事有隱滯援據徵之其所易了闕而不論

別爲晉圖用祛未寤輒復擁篲清道企望塵蹣者以將
來君子爲亦有涉乎此也

爾雅郭註補正目

擬進

呈序

原序

卷上

釋詁第一

卷上一

釋言第二

卷上二

釋訓第三

卷上三

釋親第四

卷上三

卷中

釋宮第五

卷中一

釋器第六

卷中一

釋樂第七

卷中二

釋天第八

卷中三

釋地第九

卷中三

釋丘第十

卷中三

釋山第十一

卷中三

釋水第十二

卷下

釋草第十三

卷下

釋木第十四

卷下

釋蟲第十五

卷下二

釋魚第十六

卷下二

釋鳥第十七

卷下三

釋獸第十八

卷下三

釋畜第十九

卷下三

爾雅郭註補正目終

爾雅郭註補正卷一

欽賜舉人三分四庫書校對臣戴寧謹撰恭擬進

呈本

釋詁第一

爾雅卷上

初哉首基肇祖元胎俶落權輿始也

側叔反

註尚書曰三月哉生魄詩曰令終有俶又曰俶載南

轍又曰訪予落止又曰胡不承權輿胚胎未成亦物

之始也其餘皆義之常行者此所以釋古今之異言

通方俗之殊語補正邢疏初者說文云從衣從刀裁

衣之始也哉古文作才說文云才草木之初也以聲

近借爲哉始之哉首頭也身之始也基說文云牆始

築也肇說文作肇始開也祖宗廟之始也元善之長
也長卽始義胎人成形之始也倣動作之始也落木
葉墮墜之始也權輿天地之始也此皆造字之本意
也鄭樵爾雅註云凡此皆始也又以文義求他有因
音借字不可以文義求者難專泥也

林烝天帝皇后辟公侯君也

辟必亦反

註詩曰有壬有林又曰文王烝哉其餘義皆通見詩

書

弘廊宏溥介純夏轎麗墳嘏丕奕洪誕戎駿假京碩濯

哿宇穹壬路淫甫景廢壯冢簡箇昄晊將業蓆大也

轎火

吳反罷亡江反𧔑古雅反箇陟之日反

誣詩曰我受命溥將又曰亂如此輒爲下國駿臘湯
孫奏假王公伊濯許謨定命有王有林厥聲載路旣
有淫威廢爲殘賊爾土宇昄章縉衣之赫兮廓落宇
宙穹隆至極亦爲大也荀義未聞尸子曰此皆大有
十餘名而同一實補正邢疏弘者舍容之大也周書
洛誥云武王弘朕恭廓方言云張小使大謂之廓宏
書曰若保宏父介方言云東齊海岱之間謂之介純
魯頌閟宮云天錫公純嘏夏方言云自關而西秦晉
之間凡物之壯大而愛偉之謂之夏龐者深之大也
墳蝦者方言云墳地大也青幽之間凡土而高且大
者謂之墳秦晉之間凡物壯大謂之嘏不書云嘉乃

不續齊者詩韓齊云奕奕梁山洪者書大誥云延洪
惟我幼冲人誕者大雅生民云誕彌厥月戎者方言
云宋魯陳衛之間謂之嘏或曰戎京碩灌許者秦晉
之間凡人大謂之奘燕之北鄙齊楚之郊或曰京齊
宋之間曰碩荆吳揚甌之郊曰灌中齊西楚之間曰
訏甫者詩齊風云無田甫田景者周頌潛云以介景
福壯者秦晉之間凡人大謂之奘或謂之壯冢者舍
人曰冢封之大也大雅云乃立冢上簡者周頌之降
福簡簡筠者說文云草大也韓詩云筠彼甫田將者
周頌云日就月將業者版之大也大雅云虞業維縱
穹隆天之形也郭讀暨爲至故云至極是廊宇穹隆

亦爲大也尸子廣澤篇云天帝皇后辟公弘廊宏溥
介純夏轎冢晊昄皆大也

臣鑒

按方言訓此大亦有

二意云凡物之大貌曰奔轎輶戎物之壯大曰轂夏
裝壯京將說文解字云驂石大也奔大也轂大遠也
奕大也突駢大也義各有別又史記陳涉世家夥頤
亦夏之轉語耳

轎驂有也

註二者又爲有也詩曰遂轎大東

補正

臣鑒按今詩

作遂荒孟轎大也荒亦大也詩意奄有龜蒙遂廓大
大東係有兌繹遂廓大徐宅所以能至于海邦郭于
此條下不當引此詩

迄臻極到赴來弔艤格戾懷摧詹至也

般古居字

註齊楚之會郊曰懷宋曰居詩曰先祖子摧又曰六

日不詹詹摧皆楚語方言云補正邢疏大雅云以迄于今邶風云遄臻于衛極者窮盡之至也樂記云及夫禮樂之極乎天到者自遠而至也大雅云靡國不到赴者雜記云凡赴于君來者春秋經曰祭伯來言至魯也弔小雅云神之弔矣艤讀爲居方言云懷詹摧戾艤至也懷摧詹戾楚語也艤宋語也

臣鑒

按釋

文引孫云艤古居字史記司馬相如傳糾蓼叫奡踊以艤路兮索隱曰艤音居孫炎云艤古居字蓋居亦至也書曰無違弗居戾大雅為飛戾天祭義風戾以

食之懷小雅懷允不忘箋云至也至信不忘詹魯頌
魯邦所詹傳云詹至也

如適之嫁徂逝往也

詛方言云自家而出謂之嫁猶女出爲嫁補正邢疏
如者自我而往也春秋公及大夫朝聘皆曰如之者
論語云之一邦言又往一國也方言云逝秦晉語也
徂齊語也適宋魯語也往凡語也臣鑒按徂亦作徂
說文云退往也退齊語適之也適宋魯語

賚貢錫畀予脫賜也

詛皆賜予也補正邢疏賚者賜有功善人也湯誓曰
予其大賚汝貢者下與上也左傳齊桓責楚云爾貢

包茅不入錫者嘉賜也畀付與也干旄云何以畀之予者授與也小雅云天子所予貺惠賜也彤弓云中心貺之

儀若祥淑鮮省臧嘉令類紂殼攻殼介徽善也

繆刺淫反

註詩曰儀刑文王左傳曰禁禦不若詩曰永錫爾類

我車既攻介人維藩太姒嗣徽音省紂殼未詳其餘

義皆常語補正邢疏儀者形像之善若者惠順之善

詳者李巡曰福之善也泰誓襲于休祥淑者有德之

善曹風淑人君子鮮者清潔之善邶風蘧篠不鮮臧

者功能之善齊風射則臧兮嘉者美之善也大雅無

不采嘉令者卷阿令聞令望類者左傳勤施無私曰

類攻者堅緻之善穀者養生之善小雅式穀以爲介者大善也徽者美善也臣鑒按詩大雅帝省其山箋云善也禮大傳省于其君註云善于其君謂免于大難也

舒業順敘也

註皆謂次序補正邢疏舒者展舒徐緩有次也業者事有次敘也順者不逆有敘也

舒業順敘緒也

詩四者又爲端緒補正邢疏互相訓也

怡憇悅欣衍喜愉豫愷康婉般樂也

衍苦旦反婉丁舍反般蒲反

註皆見詩補正邢疏怡和樂也小雅旣夷旣懌怡喜

善義同懌悅樂也商頌亦不夷懌悅心樂也小雅我
心不悅欣喜笑喜之樂也大雅旨酒欣欣衎者飲食之
樂也小雅嘉賓式燕以衎喜者說文云不言而悅也
小雅中心喜之愉者安閒之樂也唐風他人是愉豫
逸樂也小雅逸豫無期愷康樂也小雅豈樂飲酒康
安樂也唐風無已太康婉樂之久也小雅和樂且湛
衛風無與士耽鄭箋云耽非禮之樂般者遊樂也

悅懌愉釋賓協服也

註皆謂喜而服從補正邢疏釋者去恨怨而服也賓
者懷德而服也協者和合而服也

適遵率循由從日也

註自猶從也 補正邢疏自亦從也 轉互相訓也

適遵率循也

註三者又爲循行

靖惟漠圖詢度咨諭究如慮謨猷肇基訪謀也

註國語曰詢于八虞咨于二號度于閼天謀于南宮

諭于蔡原訪于辛尹通謂謀議耳如肇所未詳餘皆

見詩補正邢疏靖安謀也小雅靖共爾位惟思謀也

漠舍人曰心之謀也小雅聖人莫之圖大雅云我圖

爾居詢度咨諭者小雅皇皇者華傳云訪問於善爲

咨咨事爲諭咨事之難易爲謀咨禮之所宜爲度親

戚之謀爲詢究者小雅不舒究之慮計謀也謨大謀

也大雅訏謨定命猷者以道而謀也大雅厥猶翼翼肇者大雅肇敏戎公基者君子作事謀始也訪者謀政事也

典義法則刑範矩庸恒律裏職秩常也

義苦入反

註庸裏職秩義見詩書餘皆謂常法耳

臣鑒

按周禮

疏引孫註云典禮之常也

柯憲刑範辟律矩則法也

註詩云伐柯伐柯其則不遠論語曰不踰矩補正邢疏此皆謂常法轉互相訓

莘辟戾臯也

註皆刑罪補正邢疏臯罪古今字也秦以臯似皇改

爲罪取非人自投于罔

黃髮觀齒鮀背者老壽也

觀本作兒五分反一音如字鮀天才反考音苟

註黃髮髮落更生黃者觀齒齒墮更生細者鮀背

皮如鯈魚耇猶耆也皆壽考之通稱補正邢疏舍人曰黃髮老人髮白復黃也說文云覩老人兒齒也鮀

背舍人曰老人氣衰皮膚消瘠背若鮀魚耇覩也血

氣精華覩竭言色赤黑如狗矣孫炎曰耇面如凍梨

色如浮垢老人壽徵也

臣鑒

按詩疏引李巡註亦云

黃髮老人髮白復黃也與舍人註同郭註謂更生黃

者非是

允孚亶展謨誠亮詢信也

亶丁旦反謨甚對反

方言云荆吳淮泗之間曰展燕岱東齊曰謔宋衛
曰詢亦皆見詩補正邢疏方言云允訛恂展諫穆信
也齊魯之間曰允燕岱東齊曰訛宋衛汝穎之間曰
恂荆吳淮泗之間曰展西甌毒屋黃石野之間曰穆
信周南召南衛之語也

展諺允慎亶誠也

戲轉相訓也詩曰慎爾饋游

謔浪笑傲戲謔也

詬謂調戲也見詩

粵于爰曰也

誦書曰上爰稼穡詩曰對越在天王于出征補正邢

疏皆語辭發端轉互相訓也

爰粵于也

註轉相訓補正鄭樵註云以曰通作粵故此言粵不言曰也

爰粵于那都繇於也

繇音由又音
於音烏

註左傳曰棄甲則那猶今人云那那也書曰臯陶曰都繇辭於乎皆語之韻絕補正邢疏皆語之韻絕歎辭也爰粵于三者又爲於乎鄭樵註云繇卦兆之辭於卽於乎歎聲也

攸郤盍翁仇偶妃匹會合也

攸古
答反

註皆謂對合也補正邢疏攸說文云合會也郤者和

合也盍眾合也易豫卦九四云勿疑朋盍簪翕歛合
也左傳曰怨偶曰仇嘉耦曰妃偶者相對合也匹配
合也會集合也臣鑒按郤洽通詩在郤之陽亦作洽
疏訓郤爲和合以詩洽比其鄰可證也

仇讎敵妃知儀匹也

註詩云君子好仇樂子之無知實維我儀國語亦云
丹朱馮身以儀之讎由儕也廣雅云讎輩也補正邢
疏仇孫炎云相求之匹詩疏引合仇者儕侶輩類之
匹也敵者相當之匹也妃合耦之匹也

妃合介對也

註皆相當對

妃嬪也

詣相嬪偶也

補正詩疏引某註云詩云天立厥妃

紹緒嗣續纂綏續武係繼也

綏汝誰反
係戶帝反

註詩曰下武維周綏見釋水餘皆常語補正邢疏皆聯繼不絕也鄭樵註云綏綴紳者續續麻也皆有繼之義

怠謔澁蟄慎貉謐顚頑蜜寧靜也

謔音至反澁以日反
蟄魚豈反顚五鬼反

註氣顚頑未聞其義餘皆見詩傳補正

臣黎

按古氣

字氣從氣從火或從心釋文云氣本或作氣同許氣

反

墮碩涇下降墜標鬱落也

註碩猶隕也方俗語有輕重耳涖沈落也標蘿見詩補正邢疏說文草曰蘿木曰落此對文耳散而言之他物之落亦言蘿廊風靈雨旣零蘿零音義同命令禱畛祈請謁訊諾告也

註禱未聞禮記曰畛於鬼神補正邢疏命使告也令者發號以告也畛致告也祈求告也請言告也謁告白也訊告問也諾布告也

永悠迴遠遐過闊遠也

註書曰遐矣西土之人補正釋文遐說文云古逖字

也

永悠迴遠遐過闊遠也

謂退亦遠也轉相訓

虧壞圮壊毀也

翻書曰方命圮族詩曰乘彼輦垣虧通語耳補正邢疏虧者損毀祭義云不虧其體壞者人毀也首怪一云自毀也圮岸毀也書序曰祖乙圮于耿輦是毀垣也

矢雉引延順薦劉繹戶旅陳也

註禮記曰戶陳也雉順劉皆未詳補正邢疏皆謂敷陳也矢者書序云臯陶厥謨引者仲陳也延鋪陳也薦饌陳也繹復陳也戶主陳也旅布陳也鄭樵註云矢春秋經云公矢魚于棠戶郊特牲云戶陳也

國語卷第十一
周語
戶職主也

註左傳曰殺老牛莫之敢尸詩曰維其戶之久用盈爲亂階

尸案也

註謂案地補正鄭樵註云舊註謂案地非此則寢案之案故亦從案而下文又申云

宋寮官也

註官地爲案同官爲寮

續緒采業服宜貫公事也

註論語曰仍舊買餘皆見詩書

永業引延融駿長也

義羊讓反

註宋衛荆吳之間曰融蒙所未詳補正邢疏說文云

長久遠也方言云施於衆長謂之永引者漢書律歷志云十丈爲引引者信也顏師古曰信讀曰伸言其

長延者方言云延年長也凡施於年者謂之延

臣鑒

按小雅不駿其德大雅昭明有融毛傳皆云長也又

釋文引說文云蒙水長也

喬嵩崇高也

註皆高大貌左傳曰師叔楚之崇也

崇充也

註亦爲充盛補正臣鑒按春秋疏引舍人註云威大

充盛

犯奢果毅尅捷功肩堪勝也

勝尸證
反下同

註陵犯誇奢果毅皆得勝也左傳曰殺敵爲果肩則尅耳書曰西伯堪黎補正邢疏舍人曰肩強之勝也孫炎曰戡勝之勝也陵犯誇奢殺敵爲果致果爲毅尅殺捷獲有功肩尅堪任是皆得勝也

勝肩戡劉殺克也

註轉相訓耳公羊傳曰克之者何殺之也

劉猶斬刺殺也

猶息
淺反

註書曰咸劉厥敵秋獵曰猶應殺氣也公羊傳曰刺之者何殺之也

亹亹蟲沒敦勗釗茂勤勵勉也

亹惄畢反
勗充反

詩曰亹亹文王蠶沒猶黽勉書曰茂哉茂哉方言云周鄭之間相勸勉爲勔釗孟未聞補正邢疏方言云釗薄勉也秦晉曰釗或曰薄故其鄙語曰薄努猶勉努也南楚之外曰薄努自關而東周鄭之間曰勔釗齊魯曰勗茲臣鑒按班固幽通賦云盍孟晉以迨羣辰倏忽其不再註孟晉勉進也

驚務昏聾強也

強其文反

註馳驚事務皆自勉強書曰不昏作勞聾不畏死補正邢疏皆謂自勉強也孫炎曰昏夙夜之勉也

印吾台子朕身甫余言我也

印玉剛反台羊而反下同

註印猶殃也語之轉耳書曰非台小子古者貴賤皆

自稱朕禮記曰授政任功曰予一人畛於鬼神曰有某甫言見詩補正邢疏說文云女人稱我曰媖由其語轉故曰印印印風人涉印否

朕余躬身也

註今人亦自呼爲身補正邢疏舍人曰余謙卑之身也孫炎曰余舒遲之身也

台朕賚畀卜陽予也

註賚卜畀皆賜與也與猶予也因通其名耳魯詩云陽如之何今巴濮之人自呼阿陽補正鄭樵註云據予本予我之予又爲賜予之予樵疑此當言台朕陽予也謂我也賚畀卜予也謂與也以二字同文故誤

耳

肅延誘薦餕晉寅蓋進也

餕持鹽反

註禮記曰主人肅客詩曰亂是用餕王之蓋臣易曰晉進也寅未詳補正邢疏皆謂進道

臣鑒

按唐僧行

均龍龜手鑑餕字下引爾雅註云甘之進也

臣謂詩

盜言孔甘亂是用餕盜言則書之所謂遜言遜言小

人之甘言也詩所謂口言如簧如笙中之簧以說人

也

羞餕迪烝進也

註皆見詩禮補正邢疏謂進與也羞曲禮云聞子有客使某羞餕進飲食之名也廸以道而進也烝周頌

云烝畀祖妣

詔亮左右相導也

註皆謂教導之補正邢疏太宗伯云詔相王之大禮
大雅云涼彼武王周南云左右流之鄉飲酒云相者
一人亮涼音義同

詔相導左右助勵也

勵力反

註勸謂贊勉補正邢疏教導卽贊勉也故又爲勵說文云勵助也不以力助以心助也

亮介尚右也

註紹介勸尚皆相佑助補正邢疏孫炎曰介者相助之義也如人之左右手故以介爲左右也

左右亮也

註反覆相訓以盡其義

緝熙烈顯昭皓頴光也

頴下
迴反

註詩曰學有緝熙于光明又曰休有烈光

訖鞶堅篤擊虔膠固也

訖苦八
反擊音奉

註訖虔皆見詩書易曰鞶用黃牛之革固志也擊然亦牢固之意

疇孰誰也

註易曰疇離祉補正邢疏皆謂語辭不爲義也又猶

言誰人也

莊莊皇皇藐藐穆穆休休嘉珍禪懿鑠美也

莊子
况反

註穆穆已上皆美盛之貌其餘常語補正邢疏少儀云祭祀之美濟濟皇皇鄭元云皇皇讀如歸往之往彼言皇皇則此歎歎也臣鑒按說文歎光美也

諸輯協和也

註書曰八音克諧左傳曰百姓輯睦

關關雎鳴音聲和也

註皆鳥鳴相和補正鄭樵註云據二文一義者皆當在釋訓部恐誤在此

勰燮和也

註書曰燮友柔克補正邢疏勰古文協也

從申神加彌崇重也

重直
龍反

註隨從弼輔增崇皆所以爲重疊神所未詳

補正

臣

鑒按從因之而重也檀弓爾無從從中復重也易重
巽以申命書申命義叔加語之重也說文云語相增
加也弼相輔之重也

殼悉卒泯忽滅罄空畢罄殼校珍盡也

微胡谷反罄本或作罄苦計反

註殼今直語耳忽然盡貌今江東呼厭極爲罄餘皆

見詩補正邢疏左傳曰臯陶庭堅不祀忽諸罄說文

云器中空也悉詳盡也卒終盡也泯滅盡也滅絕盡

也殼者舍人曰眾之盡也

臣鑒

按史記秦始皇本紀

堯舜飯土壘啜土餽雖監門之養不殼於此索隱言

監門下人飯猶不盡此又詩疏引李巡註泯沒之盡

舍人往殲眾之盡也

苟蕪也豐也

註荀叢繁蕪皆豐盛

犧斂屈收戢蒐裒羨鳩攘聚也

犧音道哀
蒲侯反

註禮記曰秋之言犧犧聚也春獮爲蒐蒐者以其聚人衆也詩曰屈此羣醜原隰哀矣左傳曰以鳩其民搜猶今言拘搜聚也

肅齊遄速亟屢數迅疾也

數色角反

註詩曰仲山甫徂齊補正邢疏召南肅肅宵征毛傳云肅肅疾貌

是駿肅亟遄速也

蹇子反

註詩曰不寃故也駿猶迅速亦疾也補正邢疏肅亟
邇轉相訓耳

壑阨阨膝徵隍濂虛也

阨苦衡反
濂苦郎反

註壑谿壑也阨阨謂阨壘也隍城池無水者方言云
濂之言空也皆謂丘墟耳膝徵未詳補正邢疏小雅
酌彼康爵箋云康空也濂康音義同鄭樵註云阨有
二文無義其一爲衍者耳徵疑爲陔臣鑒按陔義亦
所未聞

黎庶多醜師旅眾也

註皆見詩

洋觀哀眾那多也

那奴多反

不列其言不二
二
註詩曰薄言觀者又曰受福不那洋溢亦多貌補正
臣鑒按匡謬正俗謂今山東俗謂衆爲洋引爾雅洋觀裒眾那多也則洋又與衆互通又一義也流差束擇也

註皆選擇見詩

戰慄震驚懼竦恐懼懼也

懼女版反
之涉反

註詩曰不憇不竦懼卽懼也補正邢疏樂記曰柔氣不懼

痛瘡虺亥黃劬勞咎賴瘞瘞鰥戮瘻瘞瘞瘞底疵閔逐疚瘻瘞瘞瘞瘞瘞瘞病也補音鈎瘡音居癩音忽瘞音理音里瘻音底音底音味
註虺亥黃皆人病之通名而說者便謂之馬病失

其義也詩曰生我劬勞書曰智藏瘞在相戮辱亦可恥病也今江東呼病曰瘞東齊曰瘞禮記曰覩癰色容不盛戮逐未詳餘皆見詩補正邢疏孫炎曰痛人

疲不能行之病瘞馬疲不能進之病虺頽馬罷不能升高之病瘞黃馬更黃色之病然則虺頽者病之狀

乎黃者病之變色郭云失其義蓋指孫炎不能宏通

故云舍人云瘋癲瘞痺痒皆心憂憊之病也孫炎云瘋

者喪之病也瘞者滯之病也逐者衛風云碩人之軸

箋云軸病也軸與逐蓋今古字臣鑒按龍龕手鑑引

爾註瘞勞病也釋文引孫註瘞疫病

恙寫惺肝繇慘恤罹憂也

惺音里肝幽
汗反蘇音遙

註今人云無恙謂無憂也寫有憂者思散寫也詩曰悠悠我悝云何盱矣蘇役以爲憂愁也

倫勤邛敷勤愉庸痺勞也

勤音謚邛反

註詩曰莫知我勤維王之邛哀我痺人國語曰無功庸者倫理事務以相約敷亦爲勞勞苦者多惰愉今字或作窳同補正邢疏勤孫炎曰習事之勞也

勞來強事謂翦籌勤也

强其丈反

註詩曰職勞不來自勉强者亦勤力者由事事故爲勤也詩曰迨其謂之翦籌未詳

悠傷憂思也

註皆感思也

懷惟慮願念惄思也

詩曰惄如調飢補正邢疏皆思念也方言云鬱悠懷惄惟慮願念靖慎思也晉宋衛魯之間謂之鬱惄惟凡思也慮謀思也願欲思也念常思也東齊海岱之間曰靖秦晉或曰慎凡思之貌亦曰慎或曰惄舍人曰惄恚而不得之思也臣鑒按詩疏引舍人註惄志而不得之思也

祿祉履戩祿祐福也

詩曰福履綏之俾爾戩穀祿爾康矣祿禧書傳少見其義未詳臣鑒按禧經傳多通釐祿通祈說文云求福也疏引孫註云祿除之福

禋祀祠蒸嘗禴祭也

註書曰禋于六宗餘者皆以爲四時祭名也臣鑒按

書疏引孫註云禋絜敬之祭也

儼恪祇翼謹恭欽寅燠敬也

燠音罕

註儼然敬貌書曰夙夜惟寅詩曰我孔燠矣謹未詳朝旦夙晨皎早也

皎子
峻反

既皎亦明也

頌埃及普戾底止俟待也

頌音須埃及音仕普本亦作普底之祝反

註書曰俟我后今河北人語亦然普戾底者皆止也

止亦相待也補正邢疏頌埃及音義同鄭樵註云

左傳云寡君頌矣

嗜幾哉殆危也

嗜音聿

註幾猶殆也嗜哉未詳補正邢疏周書無以剗冑貢于非幾小雅無小人殆鄭樵註云召旻云不裁我芻臣鑿按龍龕爭鑑引爾雅註云嗜事之危也

戇汔也

戇音𧆠
汔反

註謂相摩近補正邢疏說文云剗摩也郭讀戇爲剗孫炎云汔近也大雅汔可小康箋云汔幾也反覆相訓故汔得爲幾也昭十年左傳亦引此詩杜預云汔期也然則期字雖別皆是近義言其近當如此史記稱漢高祖欲廢太子周昌曰臣口不能言然臣期其不可陛下雖欲廢太子臣期不奉詔言期者意亦與

此同

治肆古故也

註治未詳肆古見詩書補正邢疏肆之爲故語更端辭也書曰肆合小子古之爲故謂舊故也詩云續古之人鄭樵註云治疑爲始

肆故今也

註肆旣爲故又爲今今亦爲故故亦爲今此義相反而兼通者事例在下而皆見詩補正邢疏詩云肆不殄厥慍傳肆故今也卽以肆之一字爲故今因上起下之語郭氏云事例在下者謂在下文徂存也停宜祐篤擧仍毗坤服厚也

詎頻仍埤益肥輔皆重厚擊然厚貌餘皆見詩書補

正邢疏大雅憲怒小雅單厚亶憲單音義同天子是

毗福祿脆之毗毗脆音義同笠與篤同腹者小雅出

入腹我月令水澤腹堅

臣鑒

按仍訓原義無他證笠

卽篤字釋文於笠字下註云字又作篤同丁毒反上

篤字疑衍

載謨食詐僞也

謨音慕

註載者言而不信謨者謀而不忠書曰朕不食言補

正邢疏孫炎曰食言之僞也

臣鑒

按鄭樵謂郭氏恐

是臆說

臣

按淮南子兵略訓云載以銀錫註謂箭以

銀錫飾之卽載猶飾也又南唐書黨與傳云越人謨

信註謨信無信也閔人語音然則偸辭無信豈非僞乎

話讎載行訛言也

註詩曰慎爾出話讎者道道亦言也周禮曰作盟詛之載今江東通謂語爲行世以妖言爲訛補正邢疏話者善言也孫炎曰善人之言也臣鑒按書疏引舍人註話政之善言也

遘逢遇也

註謂相遘遇

遘逢遇遘也

遯五故反

註轉復爲相觸遘

補正臣鑒

按龍龕手鑑引爾雅註

云心不欲見而見曰遯

遘逢遇遯見也

詎行而相值卽是見

顯昭觀劍覩見也

註顯昭明見也逸書曰劍我周王

監瞻臨涖類相視也

註皆謂察視也補正邢疏考工記云琢圭璋八寸璧

琮八寸以類聘鄭註云類視也

鞠訥溢盈也

訥音肉

註詩曰降此鞠訥

孔魄哉延虛無之言間也

闢古

註孔穴延魄虛無皆有間隙餘未詳補正臣鑒按臣
族兄臣震曰郭註孔穴延魄虛無皆有間隙餘未
詳攷之說文哉言之間也言之間卽辭助然則哉之
言三字乃言之間言爲辭助見於詩易多矣

瘞幽隱匿蔽竄微也

註微謂逃藏也左傳曰其徒微之是也補正邢疏微
謂逃藏也匿者舍人曰藏之微也

訛微安懷安按晉戾底廢尼定曷遏止也

註安者坐也懷者至也按抑按也晉廢皆止任也戾
底義見詩傳國語曰戾久將底孟子曰行或尼之今
以逆相止爲遏微未詳補正邢疏大雅以按徂旅小

雅亦是戾矣

豫射厭也

射羊石反

註詩曰服之無斁豫未詳補正鄭樵註云豫怠也射

卽斁也

烈績業也

註謂功業也

績勳功也

註謂功劳也

功績質登平明考就成也

註功績皆有成詩曰質爾民人禮記曰年穀不登穀梁傳曰平者成也事有分明亦成濟也

補正鄭樵註

云成者謂其有成跡也

楷梗較頤庭道直也

楷音角

註 楷梗較頤皆正直也 詩曰旣庭且碩頤道無所屈
補正鄭樵註云梗卽鯁亮之鯁較所謂較然也 頤不屈也道循理也 楷未聞臣鑒按楷覺同禮記緇衣引詩有楷德行大雅本作覺詩小雅有覺其檻箋云直也左傳襄二十一年夫子覺者也註較然正直又射義樓皮曰鵠註鵠之言楷楷直也

密康靜也

註皆安靜也

豫寧綏康柔安也

詩皆見詩

平均夷弟易也

易以
敗反

註皆謂易直

矢弛也

註弛放補正邢疏以弓釋弛曰弛禮雜記云一張一弛

弛易也

易晉
亦

註相延易補正鄭樵註云易猶慢易也

希寡鮮罕也

鮮息
義反

註罕亦希也

鮮寡也

酬酢侑報也

謂少

註此通謂相報答不主于飲酒

毗劉暴樂也

暴釋文本又作爆
樂本又作爍音洛
角

註謂樹木葉缺落蔭疏暴樂見詩補正

邢疏舍人曰

毗劉暴樂之意也木枝葉稀疏不均爲暴樂

臣鑒按

詩疏引舍人註暴樂作爆爍此亦當在釋訓篇下

弗離同

覩莘弗離也

覩音蒙
反

註謂草木之叢莖翳蕚也弗離卽彌離彌離猶蒙龍
蟲謂貳疑也

註蠱惑有貳心者皆疑也左傳曰天命不諂補正邢疏貳者心疑不一也

臣鑒

按左傳閔元軍閒攜貳註

云離而相疑者則當因而閒之昭二十六年天道不

諂不貳其命哀十七年天命不慆久矣註慆疑也慆

諂通與諂訛字不同諂郭晉紹他力反釋文云字或

作慆鄭樵謂讒諂非

楨翰儀榦也

註詩曰維周之翰儀表亦體榦補正邢疏舍人曰楨

正也築牆所立兩木也所以當牆兩邊障土者也大

雅云維周之楨

弼棐輔比備也

註書曰天威棐忱易曰比輔也備猶輔也

疆界邊衛圉垂也

註疆場境界邊旁營衛守圉皆在外垂也左傳曰聊以固吾圉也補正邢疏謂四垂也舍人曰圉拒邊垂也孫炎曰圉國之四垂也

昌敵彊應丁當也

彊巨良反
應於矜反

註書曰禹拜昌言彊者好與物相當值補正邢疏皆相當也昌者言當也敵者仇匹相當也左傳曰敵惠敵怨大雅下武云應侯順德雲漢云寧丁我躬淳有搖動蠢迎傲厲作也

註淳然典作貌蠢動作也公羊傳曰傲甚也穀梁傳

曰始厲樂矣肩見書迺未詳補正鄭樵註云肩勝作也迺開作也假始作也

茲斯客皆已此也

舊音此

註堦已皆方俗異語補正邢疏客與茲同皆已與此皆音相近故得爲此也

嗟客蹉也

蹉古嗟字

註今河北人云蹉嘆音免置之置

閑狎串貫習也

註串厭串貫貫伏

釋文作伏註云音逝張揖雜字音此云狂狀過度今本作伏者誤

也今俗語皆然補正邢疏皆便習也左傳赦其不閑於教訓曲禮曰賢者狎而敬之大雅云串夷載路齊

風云射則貫兮

襲塵佇淹留久也

註塵垢佇企淹滯皆穆久也

補正

臣鑒按書疏引孫

註云陳居之久久則生塵矣

逮及暨與也

註公羊傳曰會及暨皆與也逮亦及也

補正

邢疏皆相親與也

鷗假格陟躋登陞也

假音遐

註方言曰魯衛之間曰鷗梁益曰格禮記曰天王登遐公羊曰躋者何陞也

補正

臣鑒

按註引方言鷗格方言本作郢格邢昺謂鷗郢格音義同

揮盃歌涸竭也

盃音鹿

註月令曰無澣陂池國語曰水涸而成梁揮振去水亦爲竭歌通語補正邢疏盃卽澣也歌卽竭之通語涸水竭也

振拭刷清也

振音震

註振訊挾拭掃刷皆所以爲潔清

鴻昏於顯間代也

間古
鴻反

註鴻鴈知運代昏主代明明亦代昏顯卽明也間錯亦相代於義未詳補正邢疏儀禮鄉飲酒云乃間歌魚麗鄭註間代也謂一歌則一吹是也又周頌皇以間之鄭樵註云於更辭也臣鑒按書疏引孫註間廁

之代也

餧饋餧也

註國語曰其妻餧之補正邢疏饋者以食遺與也野
饋曰餧食人曰饋自家之野也

遷徙也

註今江東通言遷徙

秉拱執也

註兩手相持爲拱

厥熙興也

厥音

書曰庶績咸熙厥見周官

補正

邢疏笙師職云大喪

厥其樂器鄭註厥興也興謂之作

衛蹠假嘉也

假戶嫁反

註詩本曰假樂嘉成

王也餘未詳

廢稅赦舍也

稅始貌反舍音捨

註詩召伯所稅舍放置補正邢疏公羊傳廢其無聲者書皆災肆赦鄭樵註云稅猶稅駕也

棲遲憇休苦歛隸咽息也

歛音槩隸海拜反咽許四反

註棲遲遊息也苦勞者宜止息憇見詩歛隸咽皆氣息貌今東齊呼息爲咽也補正臣鑒按棲遲憇休苦皆止息歛隸咽皆氣息不當溷於一句之中

供峙共具也

共音茶

註皆謂備具補正邢疏子路共之峙乃糗糧瘠乃錢

鑄靜共爾位共供峙痔音義同

憮憐惠愛也

註憮韓鄭語今江東通呼爲憐

姸姸震懸妯騷感訛蹶動也

註姸猶震也詩曰憂心且妯無感我帨兮或寢或訛
蠢懸騷蹶皆搖動貌補正邢疏說文姸姸動也左傳
后綱方震商頌不難不竦大雅徐方驛騷文王蹶厥
生小雅云或寢或訛

覆察副審也

註覆按察視副長皆所爲審諦補正邢疏月令命舟
牧覆舟五覆五反呂刑惟察惟法

契滅殄絕也

註今江東呼刻斷物爲契斷補正邢疏左傳盍借邑人之車契其軸註云契刻也

郡臻仍迺侯乃也

註迺卽乃餘未詳補正鄭樵註云臻重至也侯維也維亦乃也乃引辭也不絕之義也郡未詳臣鑒按乃當作發語辭之乃郡或爲伊之謠詩侯誰在矣侯服于周伊余來暨伊誰云從皆發語辭仍因仍亦發端辭也未審孰是

迪絲訓道也

繇音

註義皆見詩書補正邢疏小雅秩秩大猷猷絲音義

同書命汝嗣訓

僉咸胥皆也

註東齊曰胥見方言

育孟者艾伯長也

註育養亦爲長正伯皆官長補正邢疏皆謂長上也
邶風旣生旣育箋云育謂長老也孟庶長也康誥孟
侯註孔安國云孟長也曲禮五十曰艾六十曰耆

艾歷也

註長者多更歷

歷秭算數也

秭音姊
具反

註歷歷數也今以十億爲秭論語云何足算也

歷傳也

傅符付反

艾歷覩胥相也

覩亡革反相息羊反

註傳近補正

邢疏左傳云庚辰傳於許

註謂相視也公羊傳曰胥盟者何相盟也艾歷未詳補正邢疏說文覩邪視也鄭樵註云艾卽父也察父治也歷編閥也胥共視也皆有相規之義

父亂靖神弗漏治也

註論語曰予有亂臣十人漏書序作汨音同耳神未詳餘見詩書補正邢疏舍人曰亂義之治也孫炎曰亂治之理也大雅茀厥豐草茀音義同

頤艾育養也

註汝穎梁益之間曰艾方言云

沃渾隕墜也

沃始
大反

註沃渾皆水落貌

補正

臣鑒按渾釋文胡本反蓋與

滾同荀子富國篇財貨渾渾如泉原

際接禊捷也

禊所甲反
捷才接反

註捷謂相接續也

補正

邢疏際者相會之捷也左傳

曰爾未際也小雅云無自瘵焉箋云瘵接也會子問

云接祭而已謂捷速而祭也禊未詳

祓神溢慎也

祓音

註神未詳餘見詩書補正邢疏洛誥云夙夜祓祀舍

人曰溢行之慎周頌假以溢我

鬱陶絲喜也

註孟子曰鬱陶思君禮記曰人喜則斯陶陶斯詠詠斯猶猶卽繇也古今字耳補正邢疏皆謂歡悅鬱陶者心初悅而未暢之意也

馘齊獲也

馘古獲字

註今以獲賊耳爲馘獲禾爲穡竝見詩

阻艱難也

註皆險難

剗磬利也

磬力約反

註詩曰以我剗耜補正邢疏小雅以我覃耜周頌有略其耜磬略音義同

允任壬佞也

註書曰而難任人允信也佞人似信壬猶任也補正
邢疏允信也孫炎曰似可任之佞也鄭樵註云允無所逆也

俾 拼 护 使 也

拼北萌反
护普耕反

註皆謂使令見詩

俾 拼 护 使 從 也

註四者又爲隨從

儻 仍 因 也

儻如羊反

註皆謂因緣補正

邢疏費誓無敢寇攘鄭註因其亡失曰攘攘穢音義同施博士讀曰襄君喪襄我一人

失曰攘攘穢音義同施博士讀曰襄君喪襄我一人

郭無明說義得兩通

臣鑒

按釋文儂字下云樊孫如

羊反引論語其父攘羊釋之作攘註云因來而益曰攘又顏師古匡謬正俗云或問論語云直躬之父攘羊註云攘盜也何以謂盜爲攘更有何義答曰按爾雅云攘仍因也書云寇攘矯虔卽其事也

董督正也

註皆謂御正補正邢疏虞書董之用威左傳謂督不

忘

享孝也

註享祀孝道補正邢疏小雅云享于祖考

珍享獻也

註珍物宜獻穀梁傳曰諸侯不享觀補正邢疏周禮廟中將幣之享鄭司農云三享之獻也縱綰亂也

註縱放掣綰皆亂法也

探篡俘取也

註書曰俘厥寶玉篡者奪取也探者摸取也補正邢疏李巡曰囚敵曰俘伐執之曰取臣鑒按說文云俘軍所獲也蓋獲取人曰俘亦通爲取義左傳諸侯不相遺俘書序俘厥寶玉春秋莊六年齊人來歸衛俘三傳皆作寶顏師古謂所取於衛之寶經傳相會無乖義豈必俘卽是人凡此皆竟作取也

徂在存也

詁以徂爲存猶以亂爲治以曩爲歸以故爲今此皆詁訓義有反覆旁通美惡不嫌同名

在存省士察也

詁書曰在璿璣玉衡士師官亦主聽察存則在烈柟餘也

耕五
割反

詁普衛之間曰櫟陳鄭之間曰烈補正邢疏謂遺餘也

臣鑒按書疏引李巡云柟槁木之餘也

迓迎也

詁公羊傳曰跋者迓跋者元良首也

註左傳曰狄人歸先軫之元良未聞

薦摯臻也

註薦進也摯至也故皆爲臻臻至也

賡揚續也

註書曰乃賡載歌揚未詳補正鄭樵註云孝經揚名於後世

祔祀祖也

祔俱
毀反

託祔付也付新死者於祖廟祔毀廟主

卽尼也

釋文云本亦作昵如啓反

註卽猶今也尼者重鬼尸子曰悅尼而來遠補正邢疏尼近言也卽今相近也

疏尼近言也卽今相近也

尼定也

註尼者止也止亦定補正邢疏尼詰爲止止卽定舍人曰尼者私之定也

適幾暱近也

註暱親近也書疏引孫註同補正邢疏聘義曰日幾中而後禮成小雅云無自暱焉

妥安坐也

註禮記曰妥而後傳命補正臣鑒按謂妥者安坐也

貉綯綸也

註綸者繩也謂牽縛綯貉之今俗語亦然

貉嘆安定也

嘆音

註皆靜定見詩補正邢疏大雅貉其德音傳云貉靜也箋云德正應和曰貉嘆者皇以文云求民之莫箋云求民之定謂所歸就也貉貊嘆莫音義同斯干云乃安斯寢

伊維也

註發語辭

伊維侯也

註詩曰侯誰在矣互相訓補正邢疏伊余來暨維此

文王

時寔是也

註公羊傳曰寔來者何是來也補正邢疏秦風云奉

時辰牡

卒猷假輶已也

註猷假未詳補正邢疏皆謂終已也

求酉在卒就終也

酉音通

註詩曰嗣先公爾酉矣成就亦終也其餘未詳補正

邢疏下武云世德作求日月云畜我不卒

崩薨無祿卒徂落殮死也

註古者死亡尊卑同稱耳故尚書堯曰殂落舜曰陟方乃死補正邢疏李巡曰徂落堯死之稱

爾雅郭註補正卷一終